

صفحة القرن □ د . حازم شومان

حازم شومان

سلام عليكم ورحمة الله وبركاته. شبابنا وبناتنا يعني امبارح سبحان الله وانا معدي كده لقيت القهاوي مليانة ومباراة يعني فدخلت يا شباب كده بقول لهم يا جماعة الوقتي فيه مئات المساجد في البلد ومئات القهاوي. لما ربنا يطلع الليلة واحنا في العشر الاواخر من رمضان. يلاقي مئات قهاوي مليانة شباب والمساجد مليانة شباب برضو. يا ترى ربنا هيرضى على مين؟ يا ترى ربنا هيغفر لمين؟ يا ترى ربنا هيعتق رقبة مين من النار؟ يا رب نكون جميعا يا رب

بازن الله صفقة القرن انا جاي النهاردة اكلمكم عن صفقة القرن. ليلة بقرن من الزمان. ليلة القدر يا جماعة. ليلة القدر خير من الف شهر الف شهر يعني قرن من الزمان. يعني لو من القرن اللي فات من ايام سورة تسعناشر واحد دخل الجامع. قعد لحد النهاردة لحد الفين وتسعناشر من الف تسعناشر الفين وتسعناشر يصلي ويصوم يوميا ويقوم الليل كل ليلة. انت لو فزت بليلة القدر السنة دي تبقى ادركت ذلك الرجل. انتم متخيلين يعني ايه ليلة القدر خير كمان مش بالف شهر خير من الف شهر. يعني ليلة قرن من الزمان! يعني الليلة دلوقتى تمن ساعات بتمانين سنة عبادة يعني الساعة بعشر سنين عبادة. لو انت فزت بليلة القدر يعني حرف القرآن مش بعشر سنوات. اضرب في ستين الف ضعف. خير من الف شهر ليها ونهارها يعني ستين يعني حرف القرآن بستمية الف حسنة. يعني حرف القرآن بحوالي من نص مليون لثلاث تربع مليون حسنة. يعني صفحة القرآن بستين الف صفحة قرآن. يعني صفحة القرآن بميت ختمة قرآن. امال بقى تفتير الصايم؟ ستين الف تفتير صايم في يا بختك بقى لو بتفطر صايمين وطلعت في ليلة القدر. يا بختك بقى مكاملة صلة الرحم بستين الف مكاملة صلة رحم. خير من الف شهر يا جماعة

جماعة يعني الواحد لو واحد لو شلنا من عمر واحد عاش تمانين تسعين سنة شلنا النوم وشلنا المواصلات والاتصالات والتعب والمزاكرة وفضلت وهو انسان عابد مش هيشاف في عمره على خمس سنين. خمس سنين ابدأ تخيلوا بقى الف شهر. يعني ليلة واحدة بعشرين عمر قد

عمرك مشفيين عبادة. خالصين عبادة. ليلة القدر خير من الف شهر. ليلة بقرض. صفقة القرن. صفقة القرن مع الله الله سبحانه وتعالى مش صفقة مشبوهة ولا صفقة طاهرة مطهرة مع الله سبحانه وتعالى بقرن من الزمان مين فينا هيفوز بالليلة ديت امبارح بكلم الشباب بقول لهم يا جماعة يعني يعني ربنا سيدنا جبريل اعظم اهل السماء دعا على مسلم. عليه مش له وسيدنا محمد اعظم اهل الارض رب امن على الدعاء رغم انف امرئ ادرك رمضان ولم يغفر له. ربنا مديك ليلة بقرن من الزمان. ربنا مديك في كل ليلة عتق من النار وفي كل يوم عتق من النار في كل ليلة دعوة مستجابة. في كل يوم دعوة مستجابة يعني السما بتشتي شيكات على بياض نازلة من السما علينا في العشر الاواخر من رمضان وفي كل رمضان مين اللي ضيع الفرصة دي؟ ليلة القدر؟ يا رب نفوز بها الليلة دي يا رب. يا رب نفوز بها السنة دي يا رب. ليلة القدر امتى؟ ما حدش عارف. ما فيش حد ينشن في ليلة القدر

يا جماعة يعني رمضان السنة دي كمان يعني فلكنيا والله اعلم بقى بالرؤية التسعة وعشرين يوم. يعني تسع ليالي منهم ليلة بقرن من زمان مين اللي ينشن هنا؟ انت عندك تسع تبواب ازاى تنشن؟ ازاى تنشن؟ لازم في اللي بينشن ده ممكن ينجح انما يجيب امتياز يفوز بليلة خير

من الف شهر مش عايزين نلعب في ليلة القدر. عايزين نستقتل نبقى مستقتلين السنة دي على ليلة القدر. احنا الوقتي داخليين على ليلة ثلاثة وعشرين خلاص المغرب ده الليل ثلاثة وعشرين ممكن تبقى الليلة ثلاثة وعشرين ممكن. قال رسول الله صلى الله عليه وسلم التمسوا ليلة القدر في سابعة تبقى او سابعة تمضي

سابعة تبقى يعني ايه ثلاثة وعشرين سابعة تمضي يعني ليلة سبعة وعشرين. يعني ممكن ليلة ثلاثة وعشرين اه والنبي عليه الصلاة والسلام قال لاصحابه اري ان رؤاكم تواطأت على السبع الاواخر من رمضان. كل الرؤى بتاعتكم اللي ليلة القدر في السبع الاواخر. من اول ليلة ثلاثة وعشرين وانتم طالعين بقى. لحد اخر ليلة من رمضان. فالتمسوها في السبع الاواخر

من رمضان. يعني من اول ليلة ثلاثة وعشرين بدأت وعلى فكرة واحد وعشرين كان ممكن في صحيح البخاري انها جت مرة. النبي

عليه الصلاة والسلام رأى رؤيا ان ليلة القدر يسجد

في ماء وطين. ليلة واحد وعشرين السما شئت وطبعا المسجد النبوي بقى ما كانش زمان له سقف بقى خرسانة. النبي عليه الصلاة والسلام سجد في ماء وطين. فكان فمممكن ليلة ثلاثة وعشرين. والنبي عليه الصلاة والسلام قال التمسوها في تاسعة تمضي او سابعة تبقى. سابعة تبقى يعني ايه ثلاثة وعشرين

ساعة تمضي قللت تسعة وعشرين. اللي هي السنة دي غالبا هتبقى اخر ليلة من رمضان. والنبي عليه الصلاة والسلام يقول التمسوا ليلة القدر في اخر ليلة من رمضان. روي عن النبي عليه الصلاة والسلام فريق ثلاثة وعشرين ممكن. ليلة تسعة وعشرين ممكن. طب ليلة خمسة وعشرين؟ قال رسول الله صلى الله عليه وسلم نزل القرآن لاربع وعشرين خلينا من رمضان. يعني ليلة خمسة وعشرين

يعني موقف سيدنا جبريل اللي عسر صدر النبي عليه الصلاة والسلام. ونزل القرآن في هذه الليلة كان دي كانت ليلة خمسة وعشرين عشان كده المحدثين علماء الحديث زي الشيخ الالباني الله يرحمه على ان ليلة القدر قولوا واحدا ليلة خمسة وعشرين. طب ليلة سبعة وعشرين ده جمهور الفقهاء على ان

القدر للسبعة وعشرين. وقول ابن عباس رحمه الله رضي الله عنه وارضاه ان ليلة سبعة وعشرين. يعني يعني ليلة القدر تنفع ثلاثة وعشرين وخمسة وعشرين وسبعة وعشرين وتسعة وعشرين. وعلى فكرة

واربعة وعشرين وستة وعشرين وتمانية وعشرين. ازاى يا عم هو النبي عليه الصلاة والسلام يعني قال في تاسعة تبقى في سابعة تبقى في خامسة تبقى تاسعة تبقى اه ده ليلة واحد وعشرين. وسبعة تبقى ليلة اه اه ثلاثة وعشرين. وخامسة تبقى ليلة خمسة وعشرين. جه بقى بعض

العلماء قال لك لا. طب افرض النبي قال تبقى الطبقة دي عن النبي عليه الصلاة والسلام عبد من الاخر. خدي بالك من المعنى الجبار ده. ان النبي عليه الصلاة والسلام احيانا عدى

في ليلة القدر من الاول. واهيانا عدى ليلة القدر من الاخر. طب عداها من الاخر دي. قال لك طب افرض رمضان تسعة وعشرين يوم. زي السنة دي كده. السنة دي فلکيا تسعة وعشرين يوم. قال لك افرض

تسعة وعشرين يوم يبقى التاسعة اللي تبقى هتبقى ليلة كم في الوقت ده بقى؟ يا نهار ابيض! ده كلام خطير جدا يا جماعة! يبقى التاسعة اللي تبقى والسبعة اللي تبقى

الخامسة لتبقى لو رمضان تسعة وعشرين يوم بقت الليالي الزوجية مش الليالي الفردية. يعني من الاخر كل ليالي العشر الاواخر لازم نستقتل عليها. والنبي عليه الصلاة والسلام قال التمسوها في السبع الاواخر من رمضان. احنا من اول السبع لآخر اهو. من اول ليلة ثلاثة وعشرين. من ليلة ثلاثة وعشرين ليلة تسعة وعشرين ما فيش ولا ليلة تضيع يا جماعة. يا جماعة ام المؤمنين رضي الله عنهم وارضاه كان عندها نزيف كانت مستحاضة وكانوا يضعون تحتها التاس يعني حاجة زي الطشت كده تحتها بتنزف دم المفروض تروح العناية المركزة المفروض دي بتموت من النزيف صممت انها تعتكف الاواخر. ليه؟ لان ليلة القدر دي حياة وموت. اموت بس وانا بلمس ليلة القدر. النبي عليه الصلاة والسلام اعتكف شهر كامل

عشان ليلة القدر. انت مش عايز تتعب ليه؟ النبي عليه الصلاة والسلام ما عرف ان فيه في رمضان ليلة خير من الف شهر. النبي اعتكف العشر الاوائل. دي فضل اعتكاف بعد عشر تيام

قام جبريل جا له قال له ان الذي تطلب امامك. لسة ليلة القدر قدام. النبي عليه الصلاة والسلام قال معتكف العشر الاواسط. وهو بيحل الخباء جا له جبريل. قال له

ان الذي تطلب امامك. يعني ده لسه في العشرة الاواخر. النبي عليه الصلاة والسلام ربط قباءه تاني. النبي كان بيحتشر حصير. يعني يجيب حصيرة يعملها اوضة ويقعد عشر ما لوش دعوة بالدنيا. عليه الصلاة والسلام قعد يعبد ربنا ليل نهار. طب يا ربي يعني ليلة القدر بالليل. طب يا رسول الله ادخل خبائك المغرب لأ. اللي ما لوش نهار ما لوش

فمدش في خير او مدلج في شر. الليل ودخلة الليل دي على حسب حالك بالنهار. عشان كده النبي عليه الصلاة والسلام اعتكف في العشر الاواخر. اعتكف عليه الصلاة والسلام يبقى دلوقتي احنا احنا في موضوع خطير يا جماعة النبي عليه الصلاة والسلام السنة دي ليلة القدر كانت ليلة واحد وعشرين. ليلة واحد وعشرين اللي هي سجد فيها بين ماء وطين. اللي اعتكف العشرين

الاول. طب النبي بقى لما عرف ليلة القدر وشاف العلامة ورؤى الانبياء واحي. وشاف ان ليلة القدر وهو ساجد بالماء وطين عليه الصلاة والسلام في صحيح البخاري. موكات ليلة واحد وعشرين

النبي ما فكش الخباء ليه وروح؟ لأ الأدب مع الله. خلاص انا وعشان يعلم الامة المصابرة على العبادة. النبي عليه الصلاة والسلام كامل التلاتين يوم في رمضان عشان ليلة القدر. السونابحي وهو من كبار التابعين. رحمه الله خارج من اليمن يهاجر للنبي عليه الصلاة

والسلام. لقي الجزيرة العربية مقلوبة. قابل واحد من الصحابة في الصحرا

قال له ما الامر؟ قال له مات رسول الله صلى الله عليه وسلم. على طول قال له ايه؟ قال له فاخبرني عن ليلة القدر. الله ما هو انا ما

لحقتوش حي. كان نفسي اروح اهاجر واقبل قدميه واعيش جنبه واحد عليه الصلاة والسلام. ما لحقتش صحبتته في الدنيا. الحق صحبتته في الآخرة. الحقها بايه ليلة القدر؟ بليلة القدر فاخبرني عن ليلة القدر. يعني ليلة القدر دي كلمة يا جماعة. تنزل الملائكة والروح فيها. سيدنا جبريل ينزل ما هو ده الاحتفال الكوني بموعد نزول القرآن. وهي متنقلة ما بين العشرة الاواخر ما بتسبتش في ليلة. ربنا بيأمر كل سنة بليلة معينة. دي ليلة الادب السنة دي. ليه ربنا سماها ليلة القدر؟ لان بدون القرآن ما كانش لنا قدر. ودي اللي هتخلي لك قدر وسط الامم السابقة هتنافسهم ازاي؟ ان ايام سيدنا نوح الناس لما كانت بتعيش تسعمية سنة وسبعميت سنة وخمسمية سنة هتنافسهم ازاي؟ والناس اللي قضت عمرها زمان آآ مئات السنين في الجهاد في سبيل الله هتنافسهم ازاي؟ دي اللي هتخلي لك قدر يوم القيامة وسط الامم السابقة. كلها وسط السابقين. ليلة القدر لا تحتل قمة الجدية. قمة الجدية ان شاء الله بازن الله. انا هاتقابل معكم بقى ان شاء الله بازن الله كل يوم كده قبل المغرب في الميعاد ده. عشان نتكلم في معنى من هزه الخطيرة. النهاردة حبيت اكلكم عن صفقة القرن ليلة بقرن من الزمان. صفحة القرآن فيها بميت ختمة قرآن. تفتير صيفي فيها يا بختك بقى لو معك فلوس بقى واي اعتكاف جنبك كده عزمت لك مسلا المعتكفين او عزمت لك جزء منهم مسلا على الفطار في اليوم ده. لو

كاتبه ليلة القدر بقى. يا سلام! يبقى الحسنة في الليلة دي بتضاعف قد ايه؟ ما نضيعش الفرصة ونستقتل عليك القدر. اللي يقدر يعتكف يعتكف ما كنش يبقى خلاص من تفتير في بيتك بعد وتجري على الجامع ما تمشيش غير من الفجر لحد ما رمضان يخلص ويعني يقول لك احنا قتلة ليلة القدر السنة دي احنا ان شاء الله بازن الله ناويين لله ان احنا بازن الله سبحانه وتعالى هنتفرغ لاسكان رسول الله صلى الله عليه وسلم. ما تقوليش انا مشغول وانا تاجر وده الموسم

الرسول صلى الله عليه وسلم حاكم الدولة اللي بيجيش الجيوش اللي وراه مهام الدولة كلها اعتكف في العشر الاواخر من رمضان. وكان متزوج ابن سعد عليه الصلاة والسلام اعتكف العشر الاواخر رمضان دي امور يا جماعة حياء وموت امور مصيرية. ندعي ربنا بقى في هذا الوقت. يلا ندعي لبعض بقى زي ما كنا بنتقابل السنة اللي فاتت كده. قبل الفطار البعض اللهم يا اكرم الاكرمين. اللهم يا رب العرش العظيم يا رب اللهم اجعلنا من الفائزين بليلة القدر هذا العام. اللهم اجعلنا من

الفائزين بليلة القدر هذا العام. اللهم اجعلنا من الفائزين بليلة القدر هذا العام. اللهم يا ربنا لا تخرجنا من رمضان الا فقد غفرت ذنوبنا وكفرت عنا سيئاتنا واعتقت من النار رقابنا وزكيت نفوسنا وهديت قلوبنا واصلحت فما لنا اللهم يا ربنا اجعل اوسع رزقنا في العبادة والطاعة في العشر الاواخر من رمضان. اللهم افتح علينا في السبع اواخر من رمضان. اللهم اجعلنا من السابقين المحسنين في السبع الاواخر من رمضان. اللهم ما انزلته في السبع الاواخر من رمضان. على عباد الصالحين المؤمنين من فتح ونصر ومدد ونور وبركة. فاجعل لنا منه اعظم حظ ونصيب. اللهم اهدنا وسدنا اللهم انا نسألك من الخير كله عاجله واجله. ما علمنا منه وما لم نعلم. ونعوذ بك من الشر كله

عاجله واجله. ما علمنا منه وما لم نعلم. اللهم جدد الايمان في قلوبنا. اللهم جدد الايمان في قلوبنا. اللهم اجعل انا العظيم ربيع قلوبنا ونور صدورنا وجلاء احزاننا وذهاب همومنا. اللهم ارزقنا تلاوته اثناء الليل وانا انهار على الوجه الذي يرضيك عنا. اللهم اهدنا وسدنا. اللهم اجعلنا من الفائزين بليلة القدر هذا العام. اللهم يا ربنا انه من يحرم خيرها فقد حرم الخير كله. ولا يحرم خيرها الا محروم. اللهم لا تجعلنا من المحرومين اللهم لا تحرمنا من ليلة القدر هذا العام. اللهم اجعلنا من الفائزين بليلة القدر هذا العام من علينا يا منان علينا يا حنان جد علينا يا جواد يا كريم اكرمنا يا كريم هبنا لنا يا وهاب اعطيها لنا يا

يا رب العرش العظيم يا اكرم الاكرمين. يا ربنا لا ينقص من غناك وملكك ان تهب لنا ليلة القدر هذا وتجعلنا من الفائزين بها. يا ربنا يا ربنا ارزقنا ليلة القدر هذا العام. اللهم انك عفو كريم تحب العفو اللهم انك عفو كريم تحب العفو فاعف عنا اللهم اشف امراضنا. اللهم انا نسألك اليقين والمعافاة. اللهم ادم الديون عنا جميعا. اللهم وسع ارزاقنا على طاعتك

اللهم اصلح احوال البلاد الاسلامية والمسلمين في كل مكان على طاعتك وابتغاء مرضاتك يا رب. يا رب بشرنا بكل خير يا رب اللهم فرجك الواسع الكريم يا رب. اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا. اللهم اشف امراضنا. اللهم وسع ارزاقنا. اللهم زدنا ولا تنقصنا. اللهم اكرمنا ولا تهنا. اللهم ولا تحرمنا. اللهم اثرنا ولا تؤثر علينا. اللهم اهدنا ويسر الهدى اليها. اللهم من كان منا محروما من الولد فارزقه والولد يا رب ومن كان منا مدينا فادي عنه دينه يا رب. ومن كان منا مريضا فاشفه وعافه يا رب. ومن كان منا كروبا ففرج كربه

واكشف الهم والغم عنه يا رب. ومن كان منا عاصيا فتب عليه يا تواب. اللهم تب علينا توبة
نصوحة تب علينا توبة ترضى بها عنا. اللهم افتح علينا في ترتيل القرآن في السبع الاواخر من رمضان يا رب. اللهم اشرح لنا ويسر لنا
امورنا. اللهم امين. اللهم امين. ربنا يسدّدكم. ياللا شدوا حيلكم يا جماعة. نفطر واللي مش معتكف يطير على
مسجد يكون فيه كده عبادة عامرة طول الليل ولا يرجع وكل المساجد دلوقتي بتقدم سحور بفضل ومنة الله سبحانه وتعالى ميدان
للتنافس بقى نخطئ تفطر وتجري على الجامع انت ومراتك ما تضيعش بيتك. ما تسيبش مراتك وما تسيبش ولادك وتجروا على بيت
ربنا. ولحد الفجر تصلوا الفجر
اقل لو ما عدتوش جلسة ضحى صلوا الفجر ثم تعودوا راشدين مسددين متقبلين باذن الله. يا رب اجعلنا من الفائزين بصفقة القرن
هذا العام يا رب. سبحانك اللهم وبحمدك اشهد ان لا اله الا انت استغفرك